

ՀՀ ՊԱՇՏՊԱՆ ՈՒԹՅԱՆ ՆԱԽԱՐԱՐՈՒԹՅՈՒՆ  
Պ Ա Տ Վ Ի Ր Ա Տ ՈՒ Ի Ղ Ե Կ Ա Վ Ա Ր Ի  
Ո Ր Ո Շ ՈՒ Մ N 123

ք. Երևան

08.06.2024թ.

ՀՀ պաշտպանության նախարարության կողմից կազմակերպված «ՀՀ ՊՆ-ԳՀԱՊՁԲ-24-10/9» ծածկագրով գնանշման հարցման միջոցով գնում կատարելու ընթացակարգի (այսուհետ՝ Ընթացակարգ) շրջանակներում ՀՀ պաշտպանության նախարարության և «Կասա Կառուցապատում» ՍՊ ընկերության (այսուհետ՝ Ընկերություն) միջև 05.04.2024թ. կնքվել է ապրանքի մատակարարման ԳՀԱՊՁԲ-24-10/9-6 ծածկագրով պետական գնման պայմանագիր:

ՀՀ պետական վերահսկողական ծառայության կողմից իրականացված վերլուծությամբ պարզվել է, որ Ընկերության տնօրեն Մարտին Վարդանի Զիլավյանը 2022թ. հոկտեմբերի 25-ից մինչև օրս հանդիսանում է նաև «Ֆոռտունա 4» ՍՊ ընկերության տնօրեն, իսկ «Ֆոռտունա 4» ՍՊ ընկերությունը (ՀՎՀՀ 07624927) 2022թ. հունիսի 10-ից մինչև 2024թ. հունիսի 10-ը ներառված է գնումների գործընթացներին մասնակցելու իրավունք չունեցող մասնակիցների ցուցակում: Այսինքն՝ Ընկերության և «Ֆոռտունա 4» ՍՊ ընկերության միջև առկա է փոխկապակցվածություն, ինչը տվյալ գնման գործընթացում, մինչև պայմանագրի կնքումը հայտնի լինելու դեպքում հիմք կհանդիսանար պայմանագիրը չկնքելու համար:

Հիմք ընդունելով ՀՀ պաշտպանության նախարարության և Ընկերության միջև 05.04.2024թ. կնքված N ԳՀԱՊՁԲ-24-10/9-6 գնման պայմանագրի 8.3 կետի պահանջները՝ ՀՀ պաշտպանության նախարարությունը 2024թ. մայիսի 29-ին միակողմանի ամբողջությամբ լուծել է նշված պայմանագիրը:

Հաշվի առնելով վերոգրյալը և հիմք ընդունելով «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» պարբերությունը, որոշում եմ՝ Ընկերությանը ներառել գնումների գործընթացին մասնակցելու իրավունք չունեցող մասնակիցների ցուցակում:

Կ. ԲՐՈՒՏՅԱՆ